

दिनांक 17.07.2025

समय: 18.45 बजे

आकाशवाणी जयपुर-अजमेर
प्रादेशिक समाचार

- केन्द्रीय गृह अर सहकारिता मंत्री अमित शाह कह्यो-आवता 100 साल सहकारिता रा व्हेला- देश मांय 31 करोड़ लोग सहकारिता ऊं जुड्या।
- प्रदेश रा दो शहरी निकायां ने स्वच्छ सर्वेक्षण 2024-25 रा तैत ईनाम दे र नवाजी ज्या -डूंगरपुर नान्हा शहरां री श्रेणी मांय देश मांय चौथी ठौड़ माथे।
- राज्य रा ऊगणी हलकां मांय कठे-कठे जोरदार मेह- रामगंजमण्डी मांय सब ऊं बत्तो 18 सेंटीमीटर पाणी बरस्यो।
- वरिष्ठ नागरिक तीर्थ यात्रा योजना रा तहत ऑनलाइन अर्जियां काल ऊं दी जा सकेला।

000

केन्द्रीय गृह अर सहकारिता मंत्री अमित शाह कह्यो है के सहकारिता रो देश रा विकास मांय मोटो योगदान है। श्री शाह आज जयपुर कने दादिया गांव मांय राख्यी ज्या सहकारिता अर रोजगार उत्सव मांय बोल रह्या हा। सहकारिता मंत्री कह्यो के आवता 100 साल सहकारिता रा व्हेला। वे कह्यो के देश रा गांवाई हलकां मांय साढे आठ लाख सहकारी समितियां रे मार्फत 31 करोड़ लोग सहकारिता ऊं जुड़ चुक्या है।

वे कह्यो के राजस्थान रो देश री खेती बाड़ी रा विकास मांय मोटो योगदान है। केन्द्रीय सहकारिता मंत्री कह्यो के ग्वार, सरसों, बाजरा अर मोटा री उपज लेवण मांय राजस्थान देश मांय अव्वल है।

कार्यक्रम मांय मुख्यमंत्री भजन लाल शर्मा कह्यो के किसानां ने उपज रो उचित मोल दिरावण, महिलावां अर नान्हा कारोबारियां ने मजबूत बणावण मांय सहकारिता रो खास काम है। श्री शर्मा सगळां ऊं सरकारी योजनावां रो फायदो हर एक जणा ताई पूगावण री अपील कीनी।

जळसा मांय केन्द्रीय मंत्री अमित शाह सहकारिता रा हलका मांय न्यारी-न्यारी योजनावां अर बुनियादी सुबीतां री सरूआत कीनी। वे अन्नभंडारण योजना रा तैत 24 गोदाम अर श्रीअन्न ने बधावो देवण सारू मोटा अनाज री 64 दुकानां जनता ने सूंप्या। श्री शाह गोपाल क्रेडिट कार्ड योजना रो फायदो लेवण वाळा 1 हजार 400 जणां ने 12 करोड़ रुप्या रा कर्ज दीना अर दुग्ध उत्पादक सहकारी समितियां ने 2 हजार ऊं बत्तो माइक्रो एटीएम सूंप्या। श्री शाह श्वेत क्रांति 2.0 पीडीसीएस ऑनलाइन रजिस्ट्रेशन प्लेटफॉर्म री सरूआत ई कीनी। वे पुलिस थाणां, हथियारबंद टुकड़ियां, ट्रुप कैरियर अर सिखावण रा काम आवण वाळी एक सौ नुवी गाड़ियां ने झंडी बता र रवाना कीनी। केन्द्रीय मंत्री ई मौके आठ हजार ऊं बत्ता नौजवानां ने नौकरी लागण रा कागजात सूंप्या। न्यारा-न्यारा जिलां मांय ई सहकार अर रोजगार उत्सव राख्यी ज्या।

000

राष्ट्रपति द्रौपदी मुर्मू कह्यो है के स्वच्छता देश की सांस्कृतिक चेतना की बुनियाद है। वे स्वच्छ भारत मिशन का तहत राज्यों और केंद्रों का राज वाळा प्रदेशों की कोशिशों की सराहना करता था। कहां कह्यो के आ एक सफल पहल साबित की है। राष्ट्रपति आज नई दिल्ली में राष्ट्रीय स्वच्छ सर्वेक्षण 2024-25 समारोह में बोल रही हैं। स्वच्छ सर्वेक्षण में राजस्थान का दो नगर निकायों ने ईनाम दे र नवाजी ज्यो। नगर निगम जयपुर ग्रेटर ने स्टेट मिनिस्ट्रियल श्रेणी में देश में 16वीं ठोड़ मिली जद के डूंगरपुर ने नान्हा शहरों की श्रेणी की सुपर स्वच्छ लीग में ईनाम दियो ज्यो। नगरीय विकास, स्वायत्त शासन और आवासन मंत्री झाबर सिंह खर्रा ओ ईनाम लीनो। ई मौके डूंगरपुर नगर परिषद का सभापति अमृत कलासुआ और आयुक्त सांवरमल आबासरा ई मौजूद हा। कार्यक्रम पाछे खबरनवीसों सागे बातचीत करता था। श्री खर्रा कह्यो के जनता की मदद ऊं प्रदेश साफ-सफाई का हलका में नुवी ऊचाइयां हासिल कर सके हैं। वे लोगों ऊं साफ-सफाई ने जनता को आन्दोलन बनावण की अपील कीनी।

राष्ट्रीय स्वच्छता सर्वेक्षण में डूंगरपुर ने लारला पांच साल ऊं लगातार न्यारी-न्यारी श्रेणियों में ईनाम दे र नवाजो जा रह्यो है। म्हाणा खबरनवीस बतायो के डूंगरपुर ने ओ ईनाम मिलण परां जनता घणी राजी है। शहर में साफ-सफाई ऊं जुड़्या केई नुवा काम करी ज्यो है।

नगर निगम जयपुर ग्रेटर ने ई स्टेट मिनिस्ट्रियल श्रेणी में ईनाम दियो ज्यो है। निगम पूरा देश में 16वीं ठोड़ हासिल कीनी। जयपुर ग्रेटर नगर निगम की महापौर सौम्या गुर्जर ओ ईनाम लीनो।

000

राज्यपाल हरिभाऊ बागडे आला दर्जा की शिक्षण संस्थाओं में गुणवत्ता वाली भण्डाई-लिखाई माथे जोर दीनो है। श्री बागडे आज राजभवन में विश्वविद्यालयों का नेक एक्कीडेशन और आला दर्जा की भण्डाई-लिखाई में गुणवत्ता का बारा में राष्ट्रीय ज्यो खास समीक्षा बैठक में बोल रह्या हा। वे एक पैली राज्य में सगळा विश्वविद्यालयों का नेक एक्कीडेशन सारू की पहल की चर्चा करता था। कहां कह्यो के राजस्थान विश्वविद्यालय ने इण में कामयाबी मिली है।

मीटिंग में उच्च और तकनीकी शिक्षा विभाग का अतिरिक्त मुख्य सचिव कुलदीप रांका प्रदेश में विश्वविद्यालय शिक्षा का हालात और नेक रैंकिंग का बारा में जानकारी दीनी।

000

प्रदेश का ऊगणी हलकों में तेज बरसात को सिलसिला चाल रह्यो है। कठे-कठे भारी बरसात की। मौसम विभाग के मुजब कोटा का रामगंज मण्डी में सब ऊं बत्ती सवा सात ईंच बरसात की। सरमथुरा में 9, असनावर में 8, लालसोट में 6, नागौर में 5, इंदरगढ़, गंगारार, हिंडौली और गोविंदगढ़ में 4-4 सेंटीमीटर पाणी बरस्यो। सवाईमाधोपुर जिला में ओलवाड़ा गांव कने बनास नदी की रपट माथे 3 फीट पाणी आ जावण ऊं केई गांव जिला मुख्यालय ऊं कट गया है। निगोह नदी में ई घणो पाणी आवण ऊं समलेह घाट पुलिया माथे चादर चाल रही है। भरतपुर में पांचना बंधा ऊं लगातार पाणी छोड़बा ऊं गंभीरी नदी में पाणी को लेवल बध ग्यो है। राज्य में आज ई केई ठोड़ों मेह बरस्यो। पाली में एक घंटा ताई जोरदार मेह बरस्यो। राजधानी जयपुर में आखा दिन रूक-रूक र हल्की बरसात की। कोटपूतली-बहरोड़ में दोपहरों पाछे केई ठोड़ों रिमझिम बिरखा की। श्रीगंगानगर में ई बरसात का समाचार है। मौसम विभाग राज्य का ऊगणी हलका में जोरदार मेह का आसार जताया है। मौसम केन्द्र जयपुर का निदेशक राधेश्याम शर्मा बतायो के आज कोटा और भरतपुर संभाग में कठे-कठे भारी बिरखा के सके हैं। काल ई आ संभागों में कठे-कठे भारी ऊं घणी भारी बरसात को अन्दाजो है।

ई बीचे लोकसभा अध्यक्ष ओम बिरला आज कोटा जिला का रामगंजमण्डी में भारी बारिश का असर वाळा हलकों को दौरों कीनो। वे अहलकारों ने राहत का कामों में तेजी लावण का हुकम दीना। श्री बिरला न्यारा-न्यारा हलकों में पाणी भरण ने ध्यान राखता था। जरूरी कार्य योजनाओं बनावण सारू कह्यो।

000

प्रदेश ने हरयो-भर्यो बणावण रा मकसद ऊं चलाया जा रह्या हरियालो राजस्थान अभियान रा तैत आज जैसलमेर ज़िला रा नेतसी री सरकारी स्कूल मांय पौधा रोपी ज्या। ई मौके विद्यार्थियां ने पर्यावरण रा महत्त्व रा बारा मांय बतायी ज्यो। सवाईमाधोपुर ज़िला रा अल्लापुर, बालेर, भाड़ौती अर सूरवाल समेत केई गांवा मांय स्कूलां अर जनता री आवण-जावण री ठौड़ां पौधा रोपी ज्या। पाली री पोवामा ग्राम पंचायत मांय राजीविका स्वयं सहायता समूह री महिलावां पौधा रोप्या अर वां री जिओ टैगिंग करी ज्यी। श्रीगंगानगर ज़िला रा सूरतगढ़ री नंदीशाला मांय जिला कलेक्टर पौधा रोप्या।

000

राज्य सरकार री **वरिष्ठ नागरिक तीर्थ यात्रा योजना-2025** सारू काल ऊं ऑनलाइन तरीका ऊं अर्जियां दी जा सकेला। तीर्थ यात्रा सारू 10 अगस्त ताई अर्जी दी जा सके है। 60 साल ऊं बत्ती उम्र रा राजस्थान रा मूल निवासी ई सारू अर्जी दे सके है। ए.सी. रेलगाड़ी ऊं 50 हजार अर हवाई जहाज ऊं 6 हजार बुजुर्गा ने तीर्थ यात्रा करायी जावेला। रेलगाड़ी री सगळी बोगियां मांय राजस्थानी लोक नृत्य, लोक कला अर तीज त्यौहारां री झलक निजर आवेला। ई दफ़ा बुजुर्गा ने वाघा सरहद रो ई दौरा करायो जावेला।

000